

Ai kaiyísai sópowátsiistóto'ohsao'p /
Aakohtsikiyao'pa ísstak ao toítsikásao'pi

Ísstohkoikiyao'p a'ahkohtaípoiyo'si

Ai táp ai sópowátsiisstóto'ohdao'pi
iiso'ohtsík kítaak ánist ai sókinnóko



litótaipoiyao'pi Albertans aiyaaksi pótsíki ai kaiyíssowátsiksímihtátoominiki kítaak ánist ootoítsikákoi.

A'nowa Alberta aiyaaksi pótsíki ai kaiyíssowátsiksímihtátoominiki kítaak ánist ootoítsikákoi

- A'ahkowátokákohtomo'ohsao'si
- A'ahksi kaiyíssánniyao's aakánistotoiksikátsspi kii aakitótoítsikátsspi, kámohkótánnístsiis
- A'ahkohtsísítápiiyao'si ootsskoi mínsstsiikinnási miistsi aiyaaksi pótsíki ai kaiyíssowátsiksímihtátoominiki kítaak ánist ootoítsikákoi sínnaakiyátsiistsi

Maataakohkótsístípa a'ahkohtsístípa aamo Sinnaakssin © (2023) Alberta Health Services. Aamo sinnaakssin i'ihawóta'ahkatóp ákákíhtsimaanístsi ánowa Canada kii mótoisksa'ahko ístsi nówa kii a'pámo'ohts. Nítainaanatoomiya. Aamótsi sínaakssiistsi maataakohkótsi tótoi sáp sinnaakiyao'pa, a'ahksi taak sínnaíssa, a'ahk ániitskahto'ohssa kiya a'ahksi taak aipíksíssa iimákinnákohtssis, sai sápítsisi kii kii issinnomoissi Alberta Health Services. Moostsi issitápiiyátsiistsi kaakohtai iináppskowa mátápi maatsiistápi tótsi ksístoiyao'pa. Kaiyohtao iiksiikákímátoomiya oma'ahkókámót sínnaakssa, Alberta Health Services maatsiksístoi ánistí póto'ohsíwaiksa, kii maatsitótsiksístoiyiwaiksa, mii ótaani'ihpowaiyi, aóki kíta'ahstít ánistí ksímssta'ahsowa mii óssinnaksowa kiya ótánissowa ma'ahkohtsi ksístoiissa, kii ótsít sákowaanáps oosínaakswai kii ótánissowa. Aamótsi issitapiatsiistsi maatohtoh áwaaniyao'pa mínnístsiwátsis miiksi aisókinnákiiksi. Alberta Health Services stám ániya maa taak iitótápi'ihpa kámoh kápiissi tssápoiniki aamostsi issitápiiyátsiistsi, kii kíta'ahkohtoh toiphtssi, tsissitápiiniki.

Tsaa nístápiwa mo'ohk, aiyaaksi pótsíki ai kítaak ánist ootoítsikákoi

Aiyaaksi pótsíki ai kaiyíssowátsiksímihtátoominiki kítaak ánist ootoítsikákoi, nístápi kii ta'ahkoht spómo'ohssi kíta'ahksi kaiyíssokákstsímátómo'ohssi kiino'ohkánistsókítákihpi kítaak ánist ótoítsikákoi ánohk kii iisso'ohtsík, kii a'ahk sínaíssi. Kánnaitápi ómahksímíksi aístsiistómiiks ánníksai iitáp ítsstápi. Niito'ohk ánist sókápi saomaístsiistómminíki kíta'ahk it sópowátsi stóto'ohssáto'ohs. Niito'ohkánist sókápi saakiyai sóksi stómiyao'ki a'ahkitoi toítsikátóhssi, saomaow nápiis.

Aiyaaksi pótsíki ai kaiyíssowátsiksímihtátoominiki kítaak ánist ootoítsikákoi, nístápi kii ta'ahkoht spómo'ohssi kíta'ahksi kaiyíssokákstsímátómo'ohssi kiino'ohkánistsókítákihpi kítaak ánist ótoítsikákoi ánohk kii iisso'ohtsík, kii a'ahk sínaíssi. Kánnaitápi ómahksímíksi aístsiistómiiks ánníksai iitáp ítsstápi. Niito'ohk ánist sókápi saomaístsiistómminíki kíta'ahk it sópowátsi stóto'ohssáto'ohs. Niito'ohkánist sókápi saakiyai sóksi stómiyao'ki a'ahkitoi toítsikátóhssi, saomaow nápiis

Ai kaiyíssai sópowátsisstóto'ohsao'ki i'ihht sowápaitsi'ihhtao'p kii nítoi kítákomímihtaaníksi.

Aiyaaksi pótsíki ai kítaak ánist ootoítsikákoi, iik sókápi, ístaísspómo'ohsao'p

- Isksskátsít kiino'ohkaíksímstátópistsi kii kíno'ohkánist sókítákihpi kiita'ahkánist sókínókoi kii kítsaisókítsípi
- Tsípoiýít kitaitáp aitsi'ihhta'ahpi tsiksímihtainiki kítaak ánist sókínókoi
- Stám iikaiyissiksimihtátoot kii aksi pótsít kiino'ohkaíksímstátópistsi kii kíno'ohkánist sókítákihpi.
- Stám sinnaít mii kítákomímihtaaníksi pótákssinni

Ásaaksi kípánistsiksímsstaat kiiksista, ákaípítakiwa, aakítsít ítsíksskákiwa, kókótoi, kiitsipákihkinniisiwa, stám soowátókákiwa, naamo'ohkatápi? Miiksi ótaatsót sókínókíksi kítsítsópówahtsíssáki, Tsa no'ohk ánistsi ksímssta was kii no'ohkánist sókítsi'ihhtawa mo kípítaki a'ahk ánist sókínahpi.

Kítaakstaíssksinípa óksímsstaanistsi?

Kámohkótsípoiýís, Tsa aak ániíwa óno'ohkaitápai ksimihta'ahpi?

Asaakátsi Kípaanistsi ksímsstaat, kiistowa kítaakít ánistohkoi maa kípítaki ómaanistohkoi'ihpi. Ta'kaa kítaako'ohkohkótsípowaatomooka? Kátaíksinímma kino'ohk aitsi'ihhtáto'ohs?

Kiita'ssaakit
sao'ohkótsi ksímsst,
aakstai ssksiinímma
kítsi tápiimíksi
kiino'ohkánistsi
ksímssta'ahpi kii
ta'ahkánist sókínókoi



Tsiima nítaako'ohkoht ómátápo'ohpa?

KSÍMSSTAAT

ÍSSKSINNÍMAAT ISSPIISAO'TÁKÍT
ÍPOOWÁTOOT SÍNNAAKSIN

Psskskátákit kino'ohk sókítákssiistsi kii kino'ohk aotámítsípítsi ao'ohkai ksímihtainíki aamótsi póki'ihstsiistsi sópówahtsissiistsi

Maatsítsstsípa a'ahk sápanístós kii kátaiyaak sápanístópi - kiisto kino'ohkánistsskání'ihpi.

Kitaanistohkoi'ihpi so'kiinápi

- Kitaanistohkoiyípietsi kítao'ohk o'ohkiitsiwa kítai táp aiksímihta'ahpi mii kítaak ánistotoitsikákoi? Kítaakohkótoh psskskátáki sókápi kii kátai sókápi kítaanistohkoiyípi, kiyakítssksinnowaiksi ómaanistohkoiyípiya

Iso'ohsi ki'sókiinápsin

- Tsa kíno'ohk ánistsskinnípa sóksípaitápiiyssinni? Kíta'ahk ao'ohkót sítsípssátahssi kítsitápiimíksi? Kíta'ahkowaawáto toitsikássi?
- Tsíksska ítótótámápsikiipaitapiiyssinni?
- Kíto maítakssiistsi kátaitáp ítsstápi kíta'ahk ánistotoitsikákoi ísstsiistómiiníki?

Mátoom o'ohs
tsíksímsstaat
kino'ohk
sókítsi'ihpítsi
kii kítai táp
aiksímihta'ahpítsi





O'ahtsiisstóka'ahpi
Íssksinímaat
oomaanistsitáp
ítsstápi'ihpi kii
sókiinápssin.

- Kítaanistsítákihpa kíta'ahk sókssksinnís kii sókiinápssin ánohk?

Kámi kaiyaístsiistómiiniki ánohk, tssítsípssátsis maa aisókinákiwa kiya stsíka aisókinákiyápótákiwa:

- Ótaani'ihpiya mii kítsii kayaístsiistómátópi - Tsa aak anístsiwa isso'ohtsík.
- Tsiistsiya aak ánistotoítsíkátó'pa mii kítsístsiistómátópi.
- Tsa aak ánistápiwa mii kítao toítsíkákoi. Iik ótótámápi kíta'ahk ótsístápítsis miistsi kítai tsi'ihátópi kíta'ahkánist ótoitsikákoi.

O'ohsooksska'ahpi

Ísspiisao'tákít mátápi
a'ahkotoítsíkátóom kítaak
ánisto toítsikákoi, sao'ohkót
aawátokákihtsimátóominíki.

Tákaa aakoht tsowápoiýíwa Kiisto?

Ísstíkámístsiistómiiníki kíta'ahkám
soowaawátánni kii no'ohkánistsi ksímissta'ahpi
kii ta'ahkánistotoítsikákoi. Sstíkístsi
ítsiitómsiistsi aakohkótohtsí kaiyiistáp aiyiikowa
kíta'ahkawátokákihtsimaani.

lik ótótámápi kíta'ahksspiisao'towa'ahssi maa mátápi
was kii kíta'ahkoht sápo'ohs kákihtsimaanistsi
aiyihkohtowainíki maa aakohtotsowao'kákihtsimma
saókótowátokákihtsimátohsiiníki. Ánowa Alberta,
niitainihkátaa agent.

Sópówahtsísátohsít:

- Nikátai saoahpímma maa
mátápi nítaiyihkohtowawa
ma'ahkoht sápo'ohssi
nino'ohk ánistsi
tsi'ihata'ahpi kii nino'ohk
ánist sókitákihpi.
- Kátao'kaak ookámoot
aípoiýíwa kii
iisóksípoiýíwa?
- Kátaak ásóksskowáwa,
iistókao'síwa kámiiksi
stótówahki?
- Kátaaksskohpáwániwa
maataihkohtowawa
aanístahki ma'ahkoht
other soowai pois niisto?





O'ahtsisoo'ohpi

Ípoowátoot kiino'ohk
aitsi'ihatatópistsi kii
kino'ohk áníst sókítákihpi
kiita'ahkáníst aotoítsikákoi
– aanístsis miiksi
aisókínákiyápótákiiks
kiikítsítápiimíksi.

Stámoh kánai sinnaít
istohkán ao'to támápiistsi
aakohtsípoiyyiiníki.

Í'htao mátáp ípoiyo'pístsi:

- Nimaat ao'ohkoímohssp ánohk, kaakít ánístsi nítssiiksst níta'ahkohtsípoissi nii o'ohkoi tsi'ihtaanístsi sao'ohkótowáto kákihtsimainíki kám iitáp ítsiistómiiníki kiya kámiitáp áka'ahsiiníki iiso'ohtsík.
- Nítai tsi'ihst níta'ahkohkótahs no'ohkiitssima aístsiistómiwa, nítspstókiistsi í'ihthakohkót issitápiyo'pi kiinoostómi. Aakstao'ohkótoh tsípoiyo'pa?
- Maa Nítai sókínákiima nítaaník níta'ahkoh tsíksímsstaani nii no'ohkai tsi'ihátópi iiso'ohtsík níta'ahk ánísto toítsikákoi kaamítsiitáp ísstsiistómiiníki. Kiitsiik o'ohk aístákát, mask so'oh tsípoiyo'p?

Ówahtsi síto'ohpi
Ísst
sinnait mii
aawátánissin

Ánowa Alberta, mii personal directive / aawátánissin, (tóksskaistsi niitainihkátóp "PD") nístápi, kii iikákihtsimássiwa, sinnaaksin kítsít ánistóp kítai'ihkohtowa óma'ahk ókákihtsimáto'ohsi kítaak ánistootoítsikákoi kii Kiisto kiino'ohkitsi'ihtaanistsi.

- Kiistowa kít aawátánissin / personal directive aakítámohtsi tsíssítápiiyao'p kiistowa sao'ohkótwát ókákihtsimátoomíniki kítaak ánistotoítsikákoi.
- Issátákiyátsiis maa kítaako kákstsimáka (agent), kítsítápiimíksi), kii miiksi ai sókinákiápótákiiksi.
- Mii kít aawátánissin aakohkót tsiitákssátsíp paiksímsstaóki kítaanist áimohsspi kii kítai tsi'ihtátópi kii kínno'ohk sókítsi'ihpistsi.
- Mask áksipótákiiniki kít aawátánissistsi, miiksi Office of the Public Guardian iitsstákiiya kíta'ahk it ootoisáp áksipótákihipi (kii i'ihpi maaksímohkssiistsi) kiya kítakohkót isstsima'ahk iikoiaapiikoan a'ahkaatsípótsím.

Saitsstákiiniki kít aawátánissists kii ísstánistsi ksímsstaassa kít soowao kámmootai ksímssta'ahsi:

- Kii maatohkótsi naítáni'ihpa kíta'ahko kákihtsimaíss
- Maa aisókinnákiyápótákiwa a'ahk ámáp ánístsi mii kítsítóh kánao'tsákowaiyi kíksokowai kíta'ahk ókákihtsimaíss
- Ámáp ko'ahpápi'ihpa kiya kítai ksókowaamma a'ahkástsíno'ohto toípoi kiya kíta'ahk aokákihtsimaíss




Kámsstainíki kíta'ahk ákiyo'ohkoisksinnis miistsi kít aawátánissistsi, issinótoos miiksi Office of the Public Guardian 310-0000 (toll-free in Alberta)

www.alberta.ca
search Personal Directive



Tsa niitohtsítápohkoikiyao'pa iitápai ksímsstao'pistsi mii Care designation Order / ihtaistamátsstohkátóp aak ánistó toítsikátsspi kii aakítoh ótoitsikátsspi (GCD)

- Sókinnákápio kákstsímaan iitaistámátsstohkíp kítaak ánistó toítsikákoi.
- Ísstaisómowáyi miiksi aisókínákiyápótákiiks ma'ahkosápo'ohssa miistsi kiino'ohk sókítsi'ihpistsi kii kítsii támítsípistsi kíta'ahk ánistotoitsikaíssa, kítaanist isstsiistómihpi.
- Maa aisókínákiwa kiya aisókínákiakiwa iisínnámiya.
- lihtokánai sókápi kámít sínnaíki ao'ohtoh kánaípoiyyiinowainíki, kiistowa kii miiksi aisókínákiyápótákiiks.
- I'ihkánao niip áno Alberta miistsi iitaotoitsikátsspi kii iitai sókínótsspistsi.
- Ao'ohpókíyaa yo'ohkiitsiwa kítaanistaímohsspi; maa aisókínákiwa aakohkótsiitaak aipíksím mii GCD kákstsímaani.



Kíta'ahkítsiit sákowaananís tsiya i'ihthokánaisókápi GCD aiko'ohkitápai yíikákimao'pi maatsíkámowa. Aamótsi i'ihkótoh pai ksímsstao'p:

Kino'ohk sókítsi'ihpistsi kii kino'ohksi ksímsstaanistsi

Kítaanístao'oh koímohsspi



Maa aisókínákiwa óno'ohkání'ihpi ót sókítsi'ihpistsi kíta'ahkánistó toítsikákoi

Aamótsi sópówahtsíssin pí ksímsstaat:

- Níkátai táp ótsisstápítsi'ihpa nítaanístsiik ísstsiistómihpi Tsa aakát ánistsiistáp ótsítskiikowa, kátaiyaakoh koi sókápsspa?
- Tsaniitsí po'ohssápiikowa kii niitohkoi sókápi nítaanístotoitsikákoi?
- Miistsi ísstaoohkótsi kámótsiipiyootspistsi,ásánniyao'pai cardio pulmonary resuscitation (CPR) aaksstaí po'ohsáp sókápiwa?
- Tsa taakánistsi pio'ohpa níta'ahkoht ákii sámii paitápiiyihpi?Kátaótsítssk sókápi níta'ahksi sámii paitápiiyss kiya níta'ahk sówaiyikohkoís?
- Tsiistsiya iitstsiwa nítaakohtohkóto toítsikákoi kii ítsátsstsi, nítaanist sstsínaaki táp o'ohpi iitai sókínákiyao'pi?

Tákaa aístsinaániwa GCD kákstsimaani.

likótótámápi maa mátápiwa
ma'ahkíststákssa GCD kákstsimaani
ma'ahkstaískítápiwássa kiya
saisókápiis a'ahk ssaak sókínahs.
Saitstsíki GCD kákstsimaani
aakssáksskítápiyátsa kámssíkóssis
kiya soowát siitámíssi.

Kítaak ánistohkoním
GCDkákstsimaani kám sítsípssátainíki
maa aisókínákiyápótákiwa.

Kám ítsstákiiníki GCD kákstsimaani
i'íhkót kii aakohkótoh pókiyai
yo'ohkiitsi kítaanistaímohsspi,
aistsistómiiníki kiya ai
sókímohssiiníki. Sítsípssátsis miiksi ai
sókinnákiyápótákiiksi kaam:

- Kaamohkoi o'ohkiitsís kítaanist
aímohsspi, kii kiino'ohk ai tsi'íhtátópi
kii kít sókítsípi kámohkoi o'ohkiitsís
- Kímaatsskínípa o'ohpihítsi'ihpi mii
kítsinaani GCD kákstsimaani
- Kimaato'ohk a'ahsítsi'ihpa
ámiiánohk kítsinaani GCD
kákstsimaani níttáksi pótsípi

Ánohk mó
níto'ohkoko'ohssinni
kámi kaiyís ssápiiníki
nítátosi? Náá toss?
Nítsstoiyi?

Nioksska I níttáwátaatóp toítsíkaani



Tsiistsiya nítaanist
ótoítsikákoisstsí nítaako'ohkoht
spómookowa, nítaako'ohkoht
ánistsi paitápiiyihpa
niino'ohkánist sókítákihpi kii
nítssta'ahpi níta'ahki taopi'ihp.

Kámátsiistáp ótsítssk
ítsistómiiiníki Tsiistsiya nítaakánist
ótoítsikákoistsi nino'ohk sókítsípa
kii níkátaí sókítsípa níta'ahk
ánistotoítsikáko'ohs?

Kítaakánist ootoítsikákoi, iisókínnóko



Ánohk ánni nístáp ootoítsikaani, maa mátápiwa niitsísi'ih tao'p aakohtohkoiki kii iisákákítsa mii niit sópoiyáp ootoítsikátahpi kii niit sa'amahpi kii toítsikaani ístsistótowahpi. Naók sai tsínániyao'p i'ihpshkítápótoítsikaani (ICU) kii a'ahksskítápiyátsa'ahki. Aóki aakítah ootoítsikátahpi (A'ahkiyaapo'ohtsi, iitaisókínákiyao'pi, maatao'ohkóttotoítsikátohsiiks ótsítaopi'ihpiya, ánni nístáp ápi) i'ihstíksímsstao'pi – óstítáp sókápi'ihpi maa aiyo'ohtohko'ohsiiniki. Kii i'ihpi ksímsstao'p óno'ohkoht sókítsi'ihpístsi kii óno'ohkoht tsi'ih taani.



M1 nístápámíyao'sin a'ahkohtsíssítápiyao's saamiyápanist sókínákssin kii iistsinitákssin, maatohpánniyao'p a'ahkítápaossi iitaisókínákiyao'pi, a'ahkit “ápisstótsissi aakohkót ápisstótsípístsi” kii aakohpai ksímsstao'p kíta'ahksi sámi paitápiiyssi kii ma'ahkohk sókápiissi kíno'ohk ánistápi ápaitápi'ihpi. Miiksi kítohkánohkookíksi maatakoht íssítápiya ípssta'ahkiyótsípi kókinni (“CPR”), ísstai siitámíyátsootsspi (ventilator) kiya mii ísspahkítápi tao toítsikao'pi (ICU). M1 aanátsi maataak stámiistápao toítsikáta maa mátápi – a'ahkaiisko'ohtoi paitápiiyátsa'ahssi kii a'ahkaitáp sóksímahssi mii i'ih tai paitápiya'tsstohkiyao'pi.

Tsa ánístsiis aakít sókápi a'ahkohtsi tsíssítápiiyao's M1?

M1 iit sókápi aiskíno'ohki maa iimákomaíyíik ákimáta'ahki maatakohtót ómánistaitapiwa. Kii iimákssksipaitápiissi iikákomaí kimmátsipaitapi.

M2 nístáp ánniyao'sin a'ahkiyaap o'ohts kítaakohkótsit ootoítsikákowa kiya maatao'ohkóttotoítsikátohsiwa óstítaiyaopi'ihpiya, ma'ahkít saistsínnaitápo'ohssa iitaisókínnákiyao'pi. Miistsi sókínákiyápoht ao toítsikátsspi aakoht tsítsíssítápiiyao'p a'ahkiyaapo'ohts kiya miistsi maatao'ohkóttotoítsikátohsiw óstítaiyaopi'ihpiya, ákoht íssítápiyao'p a'ahkit “ápisstótsissi aakohkót ápisstótsípístsi”. Sao'ohtohkótótookiniki miistsi i'ihstítawa'ahkiyap ao toisíkaanístsi miiksi kítohkánohkookíksi aisókínnákiyápótákiiksi kítaakoht sítsípssákiya kíta'ahk iitaaksi ksímsstáto'ohs miistsi kítai táp ai tsi'ih ta'ahpístsi kii kíno'ohk ánist sókítákihpi, ki a'ahkámit iitótsstsiwa kíta'ahksikáko'ohk aawaapiiwaanístótooko'ohs, sowaatohkoisskássákoíniki.

Tsa niitsi iit sókápiwa a'ahkohtsít íssítápiiyao'si M2?

M2 i'ihstíssítápii'ihkohtowa mátápiwa aano'ohpáppssiiks kiya ísstsiistómiipítsiiks kii ákihkoht oomaístsiistómiya kámi tápoossa iitaisókínákiyao'pi. Mátohtsít íssítápiiyao'p maa mátápiwa soowátsstaas a'ahkát ootoítsikátahsi ámiiksi iitaisókínákiyao'pi kiya ísstápoosa iitaisókínákiyao'pi aakskoht ómátsskao'ohssiwa.

Kíta'ahk áníst a'piiwaanistöokoi



Ánni nístápo toitsíkaani, ao kákiyaóssáto'ohpi íssámahpístsi kii niitai sókínahpi ístsii sísstónápi óto'ohthoko'ohssiistsi kii ma'ahkohkít tohkót oománistápaissi sowaatohkoisskásátahki. A'ahkámápstsinaitápiya iitaisókínákiyao'pi a'ahkít sópoiyáp ohkoisksíníssi ótai yo'ohthokípi kii ma'ahkítóhkoii siistonápissi miistsi óto'ohthoko'ohssiistsi.

C1 nístápaniyao'sin mii toitsíkaani a'ahkokákiyao'sáto'ohs ma'ahk sao'ohkomaat ítsiiyáksiiss kii a'ahkoht íssítápii'ihkohtowa'ahsi Saamistsi o'ohsoowaat aakómaístso'ohkoi'ihpi. Kii a'ahk soowát ómaitáp iikákimao'si óma'ahksisámme paitápiiysi.

Tsaa ánístsiissi C1 iit sókápiwa?

C1 iit sókápi maa mátápiwa kám ómaawaano'ohpáppsis kiya maatátohkoiskássátawa óma'ahkátsi sámí tápiiysi. Iit sókápi maa mátápiwa káko'ohkssta ma'ahksowaat

ómaistsiiyáksiissi kii a'ahk soowátokákiyao'sáto'ohs óma'ahksi sámítápiiysi.

C2 nístápaniyao'sin kíkaiyaakómátápowe kii kimaatátoh koiskásákowa. Áksiikáko'ohk aawaapiiwaanistötowa kítaótsátohkookíks kii kítákomímihtaana.

Tsaa ánístsiis iit sókápiwa C2?

C2 iitámít sókápiwa maa mátápi aak stámikámme mátápowe (ásaak ániyao'p ánohk ótáko'ohssinni, kiya ánohk ksiistsíkoii kiya maataak sai kókómmeiwa) kii niitáp soowátoh koiskásáta iimáksámo'ohk aísaa sókínahpi.



Kíta'ahksskítápiiyátso'oh



R1 nístáp ániyao'sin maataksskaapíksistómowa aakánisto toítsikátahpi saami kii aak stámiistsíníta kii áksstamát ípssta'ahkiyótomowa ókinni (CPR) aak stámát siitámiyátsa kii iitsípstsípótowa mii ísspahkítápiataotoítsikátsspi kii ta'hkitohkoi sámi paitápiiyssi mii niitáp iikohkoyímíníki.

Tsaa ánístsiis iit sókápiw R1?

R1 iitáp sókápi maa mátápiwa íssksinnówa'ahki a'ahkámohkoi sókímohssátoom mii ótsístsiistómssin kii aak stámátsskánaistáp aitápi ómaaníst ápaísspi ótsaomaístsiistóms. Maa mátápi ísstaawa ma'ahkít sámmi paitápiiyss iimáksaitápsskssóksistómís.



R2 nístáp ániyaósin aakoht ótoítsikátawa i'ihthokánaitáp ítsstápi ístsii mii ótsístsiistómssin, iimáksiistsinítákssin kiya mii ísspahkítápiatao toítsikao'pi ma'ahkítsípsstópís, kiya a'ahk ai siitámiyátsa'ahs, ómákohtsi sámmi paitápiiyssi niitáp ísstsistómís. Miiksi óthokánohkookíksi aisókinnákiyápótákiiks kaakít soowaak ípssta'ahkiyótsímiya ókinni. Nítáp ánissin “No CPR.”

Ánnikámáníst aawátaatóki toítsikaani, ákohtohkoikiwa a'ahstámiitápsókssámahsi kii ákítsimiyaanístsi niitotoítsikátahpi, o'ohthaakohkoi sókímohsspi kii ámápáohht ótoítsikáta i'ihpahkítápi (ICU) kii a'ahssksi paitápiiyátsa'ahs.

Tsaa ánístsiis iit sókápi R2?

R2 iitáp sókápiw maa kámssíkoossin kiimaatákokhótssko mátáp aatsstópa oísskiitsípahpi kii naók ánistápi ísstsistómiw aakohtohkoi kiiwa a'ahk siitámiyátsa'ahsi kii a'ahkítsípsstípótowa mii ísspahkítápi tao toítsikao'pi. R2 mátsítáp sókápi píssta'ahkiyótómo'ahki maa mátápi ókín (CPR) maatakohkoht o'ohkoisókápi maamatápi iimákohtsi kámmótaas.

R3 nístá ániyao'sin miistsi iitápiitsstápiistsi toítsikaani aakoht íssítápiiyao'p iimáksiistsinítákssin kii a'ahkítsípstsípótowa'ahs ísspahkítápi tao toítsikao'pi kíta'ahkohtsi sámmi paitápiiyssi. Miiksi kítokánohkookíksi maatak ípsstákiyótsimmaiksa kókin “No CPR” kii kii maatak siitámiyátsookowa “No ventilator.”

Tsaa ánístsiis iit sókápi R3?

R3 iit sókápiw kíta'ahk siitámiyátsooko'ohsi kiya kíta'ahk íssksipaitápiiyátsooko'ohs Maa mátápiwa maatohkoht iistápohkoi sámmi paitápiwa, kii nístáp ísstsistómiw mii ísstsípsstípótowahki ísspahkítápiataotoítsikao'pi a'ahkámápihk sókápi. R3 mátsítáp sókápi Píssta'ahkiyótsíki ókín (CPR) kii siitámmiátsa'ahki maataako'ohkitápohkoi sókápi iimáksi kámótaasi.

Mii kítótsskoomínstsiikinnaani (Green Sleeve)


Mii ótsskomínstsiikinnaan nístápi paaksíksstii mókoi skinnísstátsís iitai sápohtóp miistsi Ai kaiyíssáksípótsíki kítaak ánist ootoítsikáko sínnaakiyátsiistsi. Ásaak ánistí ksímsstátoot ánni medical passport.

- Naatókaistsi kíták ánist ótsípi mii ootskomínstsiikinnaan: miiksi aisókinákiyápótákiiks kítákót spómookiya kiya kítákohkót ánists go online kíta'ahkítsiisstáp sínaíssi.
- Kiisto kítsítai naan. Ísstah kiya ao aopiiníki, mii ootskomínstsiikinnaan ísstohkítóhtoot maa kítsi aístoissta'ahpa kiya ísstótsátohtoot.
- Miiksi aisókinákiyápótákiiks kítaakohtsi stám íkámaníkiya kámítsstákiiníki ootskomínstsiikinnaan.
- Kámítápoiiníki iitaisókinákiyao'pi kiya mákitápoiiníki mii kítaakít ótoítsikákoi aistámoh pastor mii kítótsskoomínstsiikinnaani. Mínnit skít ai skahkaitiiníki -paatoot.

Kámstainíki kíta'ahk ákiyo'ohkoíksinníssi:

www.ahs.ca Ai kaiyíssáksípótsíki kítaak ánist ootoítsikák iskskákssin

Maaksiistáp sínnakiiníki ootskomínstsiikinnaan: myhealth.alberta.ca kii naít áwákinótsít Ootskoomínstsiikinnaan



Ai kaiyíssáksípótsíki kítaak ánist ootoítsikák iskskákssin

- Níkai ksímsstátóp nít sókítsípístsi kii no'ohk ai tsi'ihátópi kii iitáp ao kákiyao'sao'pists aakánistótoítsikátsspi.
- Níkaohtaiksímssta'ahpa mátstsíka mátápi ípsstóki kiya sstsíki tótsii noostóm kii kátaomowaanista nítítápiimíksi ma'ahkohtsítssksínníssa kii mátsiinápsskowa Alberta's Organ and Tissue Donation Registry.
- Níkai sópówahtsíssáta miiksi nítai sókinnákiyaotoítsikákíksi kii ísso'ohtsík nítaakánistát ookákstsimáto'pi.
- Kátaomai ksísstsi mii kít aawátánissiists kii ai'ihkohtowa maa taak ao kákihtsimáka (agent).
- Níkao'ohtai sítsípssáta taak ao kákihtsimáka (agent) nítitsiihtaaniistsi kii níkao'ohkóta mii a'ahpátsii nít aawátánissinni.
- Níkao'oht aípoi'ihpinnaan mii nítaakát ánistótoítsikákoi ánniiksi nítaótsátokowaiksi kii nii no'ohki tsi'ihataani.
- Miiksi nítai sókinnákiimíksi kii niistowa níkao'oht aipoi'ihpinnaan miiksi i'ihataistamátssstohkátóp aak ánist ótoítsikátsspi (GCD) no'ohkítáp ítsstápii ánohk nítaanistsi poi'ihkihtsi'ihpi nipaitápiiyssinni.
- Nítítsstáki ootskomínstsiikínnaan níta'ahkit sápohto'ohpi miistsi nísinnakiyátsiistsi (iitsínihtsi mii Miiksi i'ihataistamátssstohkátóp aak ánist ótoítskátsspim/ GCD kii mii Nítawátánissinni) kiinitsítokitohtóp maa iitaisstoistákiyao'pa kiya tsít ótsátokhtóp.
- Kánai yaakitápoiíniki iitaisókínákiyao'pi kiya iitápoiíniki mii nítít sinnao'ohpi níta'ahk sámóko'ohs, nítaakoh paatóp mii ootskomínstsiikínnaan.



Maak ákiyo'ohkoisksinnímaaníki,
issinótoos miiksi kítai
sókinnákiyápótomookíksi kiya
isstápoot [conversationsmatter.ca](https://www.conversationsmatter.ca)

